

-1-

# İSTANBUL MUSEVÎ ETİBBÂ CEM'İYETİ

## NİZAMNÂMESİDİR

Galata: Şiřhane Yokuřu "Feniks" Matbaası

-2-

-3-

### "İSTANBUL MUSEVÎ ETİBBÂ CEM'İYETİ" NİZAMNÂMESİDİR

#### Madde: 1

Memâlik-i Osmaniyye Musevî Etıbbâ Cem'iyeti isimleri ber-vech-i âtî elifba sırasıyla zikredilen etıbbânın teşebbüsü üzerine tesis etmiştir. Aza-yı müessesesi (Abravaya\*, Akşiyoti\*, Bârbut\*, Buyes\*, Karako\*, Englendir\*, ve Eskenazi\*) efendilerdir.

#### Madde: 2

Cem'iyetin gâyesi: Musevî tabibleri arasında hissiyât-ı meveddet ve meslekdařının temin-i devamı, seviye-i maddiyye ve ma'neviyyelerinin teâlîsiyle menâfi'-i mütekâbilelerinin müdafaasıdır. Cem'iyet aynı zamanda hastane, muâyenehâne gibi müessesât-ı sıhhiye teşkil etmek, mevcudu ıslâh etmekle mükelleftir.

-4-

#### Madde: 3

Cem'iyetin üç nev' azâsı vardır. 1- Azâ-yı faale ki Dersaadet'te ikâmet edip ictimââtta hazır bulunacak ve iştigâlâta iştirâk edecektir. 2- Azâ-yı muhâbire ki taşrada bulunup cem'iyetin terakkîsine hizmet edecektir. 3- Azâ-yı fahriyye unvânı ki cem'iyete herhangi bir surette mühim bir hizmet ifâ etmiş olanlara verilecektir.

#### Madde: 4

Memâlik-i Osmaniyye'de icrâ-yı tabâbete mezûn her Musevî tabîb cem'iyetin azâsı olabilecektir.

**Madde: 5**

Azâ olabilmek için evvelâ cem'iyetin iki azâsı tarafından takdîm edilmeli. Sâniyen heyet-i idâreye kabul talepnâmesi itâ edilmelidir. İdâre bu talepnâmeyi tedkîk ile cem'iyetin müzâkerâtına havâle eder.

**-5-**

**Madde: 6**

Azâ intihâb edilebilmek için cem'iyetin azâsının ekseriyeti lâzımdır. Reyler şahsî ve hafîdir.

**Madde: 7**

Azâ-yı faale ve muhâbire mâhiyye on guruş ve duhûliye olarak bir Mecidiye verecektir.

**Madde: 8**

Cem'iyet kendisine vâki' olan atiyeye ve hediyeleri kabul eder.

**Madde: 9**

Cem'iyete lâ-akall on lira itâ eden zevât azâ-yı fahriyye unvânını hâiz olabilir. Lâ-akall elli lira ihdâ eden dahi azâ-yı vâhibe unvânı hâiz olacaktır. Azâ-yı fahriyye ve vâhibe dördüncü maddede münderic şerâiti hâiz olmadıkça müzâkerâta iştirâk etmek hakkını hâiz değildir.

**-6-**

**Madde: 10**

Lâ-akall ayda bir defa ictimâ'-i umumî olacaktır.

**Madde: 11**

İctimâ'-i umumîde bir teklif veya bir konferans icrâ edecek olan azâ diğer azânın da'vet ile haberdar edilebilmeleri için heyet-i idâreye bir hafta evvel haber verecektir.

**Madde: 12**

Cem'iyetin tatil zamanı Temmuz ibtidâsından Eylül nihâyetine kadar olacak ve o esnada muntazam ictimâlar olmayacaktır. Cem'iyetin teşekkülü tarihinin sene-i devriyyesinde yeni heyet-i idârenin intihâbâtı ve senevî zabıt varakasının kırâati için bir ictimâ'-i resmî olacaktır.

**Madde: 13**

Cem'iyetin vesâit-i mâliyyesi müsait olduğu takdirde hıfzısıhha makâlelerini hâvî bir cerîde neşredecektir.

-7-

**HEYET-İ İDÂRE**

**Madde: 14**

Heyet bir reis-i evvel, bir reis-i sâni, bir katip, bir sandık emîni ve üç müşâvirden müteşekkil olup rey-i hafî ile intihâb edilirler. Zaruret halinde azâ reylerini tahrîren irsâl edebilecektir.

**Madde: 15**

Müddet-i memuriyetleri bir sene olup yeniden intihâb edilebilirler.

**Madde: 16**

Reis-i evvel azâyı ictimâât-ı âdiye ve fevkaladeye da'vet, ictimâ'-i umumî ve heyet-i idârenin müzâkerâtını idare ve cem'iyet muâmelâtının hüsn-i cereyân ve terakkîsine nezâret ve dikkat edecektir.

-8-

**Madde: 17**

Reis-i sâni reis-i evvelin gaybûbeti halinde aynı hukuku hâizdir.

**Madde: 18**

Katip, zabıtların tanzimi, cem'iyetin muhâberâtı ile iştigâl edecek, ictimâların zabtını kayıt ve kırâat edecektir.

**Madde: 19**

Sandık emîni cem'iyetin cihet-i mâliyyesini rü'yet ile ondan mesûldür.

**Madde: 20**

Heyet-i idâre umûr-i resmiyyede cem'iyetin vekîli ve Murahhasıdır. Hükûmete karşı reis mesûldür.

**Madde: 21**

Heyet-i idâre lâ-akall on beş günde bir kere ictimâ' ile

-9-

her ayın ilk Pazar gününde azâyı ictimâ'-i umumîye da'vet edecektir. Lüzûmu takdîrde ictimâât daha sık olacaktır.

**Madde: 22**

**Cem'iyetin mührü katibe mevdû'dur.**

**Madde: 23**

**Cem'iyet ind-el-iktizâ komisyonlar intihâb ve teşkîl edebilir. Bu komisyonlar rey-i hafî ile intihâb olunurlar.**

**Madde: 24**

**Cem'iyetin nizamnâmesi ictimâ'-i umumîye on aza tarafından imza edilmiş bir teklif vâki' olmak şartıyla tebdîl edilebilir. Bu tadilâtın iki-i sülûsü tarafından kabul edilmesi lâzımdır.**

-10-

**Madde: 25**

**İşbu nizamnâme ahkâmına riâyet etmeyen ve meslek-i tabâbetle gayr-ı kabil-i te'lîf harekâtta bulunan azâ cem'iyetten ihrâc edilir.**

**16 Kanun-i sâni 329**

**Yirmi beş maddeden ibâret olan işbu nizamnâme-i esasînin dosyasında mahfûz aslına mutâbık bulunduğu tasdîk olunur.**

**İstanbul  
Polis Müdüriyeti  
Üçüncü Şube  
Müdüriyeti**